

Стихиры Преображения на хвалитех, глас 4:

Хвалите Его во гласе трубнем, // хвалите Его во псалтири и гуслех.

Иже прежде век сый Бог Слово, / иже светом яко ризою одевайся, / преобразующийся пред ученики Твоими, / паче солнца, Слове, просиял еси; / Моисей же и Илиа Тебе предсташа, / мертвым и живым Тя Господа поведающе, / и Твое славяще неизреченное смотрение и милость, / и многое милосердие, // имже спасл еси мир, грехом погибающий.

Хвалите Его в тимпане и лице, // хвалите Его во струнах и органе.

Хвалите Его в кимвалех доброгласных, хвалите Его в кимвалех восклицания. // Всякое дыхание да хвалит Господа.

От девического облака Тя рожденна, и плоть бывша, / на горе Фаворстей преобразующася Господи, / и облаком светлым Тя окружаема, / глас Родителей, возлюбленнаго Тя Сына, / учеником предстоящим Тебе яве сказоваше, / яко Единосушна и Единопрестольна. / Темже Петр удивляясь, / добро есть zde быти глаголаше, // Благодетелю Многомилостиве.

Слава, и ныне, глас 8:

Поят Христос Петра, Иакова и Иоанна, / на гору високу едины, / и преобразися пред ними; / и просветися лице Его яко солнце, / ризы же Его быша белы, яко свет; / и явишася Моисей и Илиа с Ним глаголюще, / и облак светел осени их. / И се глас из облака глаголющ: / Сей есть Сын Мой возлюбленный, // о Немже благоволих, Того послушайте.